

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Kordinacioni tim za izradu Plana  
kapitalnih investicija

Broj: 02-05-2146/10  
Datum: 15.07.2010.g

**P R A V I L N I K**  
**O RADU KOORDINACIONOG TIMA ZA IZRADU PLANA KAPITALNIH**  
**INVESTICIJA OPĆINE SAPNA**

Sapna, juli 2010. godine

Na osnovu Rješenja o imenovanju Koordinacionog tima za izradu Plana kapitalnih investicija općine Sapna, broj 02-05-2146/10 od 05.07.2010.godine, Koordinacioni tim za izradu Plana kapitalnih investicija općine Sapna, na sjednici održanoj dana 15.07.2010. godine, donio je

**P R A V I L N I K**  
**O RADU KOORDINACIONOG TIMA**  
**ZA IZRADU PLANA KAPITALNIH INVESTICIJA OPĆINE SAPNA**

Član 1.

Ovim Pravilnikom uređuje se način rada, odlučivanja i zadaci Koordinacionog tima za izradu Plana kapitalnih investicija općine Sapna u toku izrade navedenog Plana.

Član 2.

Broj članova Koordinacionog tima određen je Rješenjem Općinskog načelnika broj: 02-05-2146/10 od 05.07.2010.godine.

Koordinacioni Tim, čine predstavnici jedinice lokalne samouprave, vijećnika, mjesnih zajednica, javnih institucija, privrednika, nevladinih organizacija i medija sa prostora općine Sapna.

Član 3.

Tim donosi odluke nadpolovičnom većinom glasova, u prisustvu najmanje polovine članova Tima.

U Koordinacioni tim ulazi i sekretar sa pravom glasa, koji obavlja sve administrativne i tehničke poslove za potrebe Tima, uključujući obavezno vođenje zapisnika na sastancima Tima.

Član 4.

Izmjena sastava Tima kao i njegovo raspuštanje se vrši putem rješenja Općinskog načelnika.

## Član 5.

Zadaci Koordinacionog tima u postupku izrade Programa kapitalnih investicija su sljedeći:

- Donijeti i usvojiti Pravilnik o radu Koordinacionog tima za izradu Plana kapitalnih investicija općine Sapna;
- donijeti i usvojiti formu obrasca za podnošenje prijedloga za Plan KPI;
- donijeti i usvojiti Odluku o kriterijima za odabir projekata za Plan KPI;
- izvršiti verifikaciju Prijedloga za investiranje, tj. potvrditi da li su podnešeni prijedlozi potpuni kao i da li su realni u tehničkom i pravnom smislu;
- dopuniti potrebne podatke u Prijedlogu za investiranje, dodavanjem informacija i brojki koje nedostaju. Članovi Tima koji su predstavnici investicionih i finansijskih službi će obezbijediti sve tačne informacije neophodne da bi se obavilo gore navedeno dopunjavanje prijedloga;
- odrediti prioritetne prihvaćene investicione projekte u skladu sa prihvaćenim kriterijima, tako što će izračunati broj poena za svaki projekat i rangirati ga prema broju dobijenih bodova, pridržavajući se principa sadržanih u daljem tekstu Pravilnika;
- grupisati projekte Plana kapitalnih investicija prema usvojenim kategorijama ( putni, kanalizacioni itd.), i odrediti u koju godinu Plana će biti svrstani, unutar kategorija, po godinama Plana, na osnovu bodova, tehničkih kriterija, procjene stepena spremnosti programa za realizaciju;
- usvojiti konačnu listu projekata za Plan;
- obaviti analizu potrebnih finansijskih sredstava za realizaciju tako pripremljene liste projekata Programa, na osnovu finansijskih mogućnosti općine. Za analizu se mogu koristiti i spoljni izvori finansiranja kao i kreditna sredstva;
- donese i usvoji Plan i dinamiku implementacije programa KPI za period 2011-2015.godina
- pripremi finalni Plan kapitalnih investicija u navedenom periodu sa obrazloženjem, i dostavi Općinskom vijeću Sapna na usvajanje.

## Član 6.

U svom radu Koordinacioni tim će se pridržavati sljedećih principa za određivanje prioriteta investicionih projekata:

- svaki član Tima će zasebno procijeniti svaki investicioni projekat, u skladu sa kriterijima za ocjenjivanje projekata i usvojenim bodovanjem, kao i u skladu sa Pravilnikom o radu Tima;
- ocjena projekta i bodovanje će se obavljati na osnovu informacija sadržanih u Prijedlogu za investiranje za svaki projekat;
- konačan broj bodova projekta je prosječan zbir bodova koji je tom projektu dodijelio svaki član posebno, ali iz tog zbira će se prethodno isključiti najviši i najniži dodijeljeni bodovi. Tako dobijeno bodovanje se zaokružuje na cijelu brojku.

#### Član 7.

Koordinacioni tim je obavezan da, nakon usvajanja Plana kapitalnih investicija od strane Općinskog vijeća Sapna za period od 2011-2015., isti ažurira svake naredne godine oslanjajući se na višegodišnju finansijsku analizu, nove podnesene prijedloge, kao i na ovaj Pravilnik.

#### Član 8.

Na osnovu ukazane potrebe, Koordinacioni tim može vršiti izmjene i dopune ovog Pravilnika.

#### Član 9.

Ovaj Pravilnik stupa na snagu danom donošenja.

Predsjedavajući  
Koordinacionog tima  
za izradu Plana kapitalnih investicija

Ismet Omerović, dipl. ing. maš.